

T 4996/8257682

v. 29

鐘山書院

壹等第玖拾玖名

周承先

大北儘先補用知縣羅忠灝

二藝均欠靈明



豳風詩何以祇言一之日二之日三之日四之日

豳風七月之詩其中言月日參互錯綜月自四止十而日則自一

止四傳曰一之日周正月二之日殷正月三之日夏正月四之日

周四月岷隱云數窮於十自正月去十月數之窮也故詩人以十

一月謂之一日由一而數之懼其與月相亂也鄭箋云物成自秀

萋始明以物成故稱月也稱月由其物成知稱日由其物生王介

甫說詩說云陽生矣則稱日陰生則稱月朱晦翁云一之日斗建
子一陽之月變月言日言是月之日也雪山云自一之日至四之日
皆以陽長而言之綜觀諸說天抵皆以陽生稱日為歸而岷隱之
數窮於十尤為可據但未揭其所以止言一四之故必參以鄭說
乃明蓋建子之月純陰已過陽氣動物故以日稱建巳之月純陽
用事陰氣已萌故以月稱若三月不言五之日者以是月當陰陽
之中處生成之際耳自子月至巳月皆陽月故詩人祇言一之日
至四之日猶之言月不言十一十二也

輿圖以何本為最善

輿圖之載古本多失自唐以後撰著日繁宋王存有元豐九域志
十卷始以四京次以二十二路終以省廢軍州歐陽忞有輿地廣
記三十八卷先叙歷代疆提域其綱要次乃列各郡縣名其前代州

邑宋不能有者亦附見各道之末他如宋祝穆之方輿勝覽七十卷明姚虞之嶺海輿

圖一卷明籌胡憲宗憲之籌海圖編十三卷鄭開陽之雜著十一卷

與國朝西洋南懷仁之坤輿圖說二卷皆各有考據而元豐九

域志輿地廣記尤為善本蓋九域志敘述簡括體例詳明所載甚

廣輿地廣記綱目秩然前後詳整所記尤富二本之外求其統華

夷而皆入合中外以無遺者蓋亦寡矣